



Broj: 01,02-01-882/16

Sarajevo, 23.3.2016.

**Parlamentarna skupština BiH**

Kolegij Predstavničkog doma

Ustavnopravna komisija Predstavničkog doma



PRIMLJENO: 23-03-2016			
Organizaciona jedinica	Klasifikaciona oznaka	Redni broj	Broj prijema

Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15), Zakonodavno-pravni sektor daje

### MIŠLJENJE

**o usklađenosti Prijedloga okvirnog zakona o liječenju neplodnosti biomedicinski potpomognutom oplodnjom s članom 105. Poslovnika Predstavničkog doma i Jedinstvenim pravilima za izradu pravnih propisa u institucijama Bosne i Hercegovine**

Predsjedavajuća Predstavničkog doma Parlamentarne skupštine BiH je aktom broj: 01,02-1-882/16, od 22.3.2016., dostavila Prijedlog okvirnog zakona o liječenju neplodnosti biomedicinski potpomognutom oplodnjom (u daljnjem tekstu: Prijedlog zakona) Zakonodavno-pravnom sektoru radi davanja mišljenja o usklađenosti Prijedloga zakona s članom 105. Poslovnika Predstavničkog doma i Jedinstvenim pravilima za izradu pravnih propisa u institucijama BiH.

Prijedlog zakona podnijela je Komisija za ostvarivanje ravnopravnosti spolova Predstavničkog doma u skladu s članom 104. stav (1) Poslovnika Predstavničkog doma.

#### **I. Usklađenost s odredbama Poslovnika Predstavničkog doma Parlamentarne skupštine BiH**

Prijedlog zakona podnesen je u formi teksta, u pisanoj i elektronskoj formi, na bosanskom jeziku, što je u skladu sa članom 105. stav (1) Poslovnika Predstavničkog doma.

U skladu s članom 105. stav (3) Poslovnika Predstavničkog doma uz Prijedlog zakona dostavljeno je obrazloženje koje sadrži:

- ustavni osnov,
- razloge za donošenje zakona,
- načela na kojima je zasnovan prijedlog zakona,
- finansijska sredstva za provođenje zakona,
- dokument Istraživačkog sektora, broj: 03/10-50-19-409-28/12, od 30.11.2012., „Zakoni o liječenju neplodnosti biomedicinski potpomognutom oplodnjom u zemljama regiona i Sloveniji“ u smislu okolnosti koje bi Domu mogle pojasniti

razloge za donošenje zakona iz člana 105. stav (3) tačka f) Poslovnika Predstavničkog doma.

U skladu s članom 105. stav (4) Poslovnika Predstavničkog doma, mišljenje Direkcije za evropske integracije o usklađenosti prijedloga zakona sa zakonodavstvom EU pribavlja Kolegij Doma.

S obzirom na to da se radi o novom Prijedlogu zakona, odredbe člana 105. stav (5) Poslovnika Predstavničkog doma nisu primjenjive.

Iz navedenog proizilazi da je Prijedlog zakona **usklađen** s članom 105. Poslovnika Predstavničkog doma.

## **II. Usklađenost s Jedinstvenim pravilima za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14 i 60/14)**

Prijedlog zakona je svojom strukturom, formom i stilom **usklađen** s Jedinstvenim pravilima za izradu pravnih propisa u institucijama BiH.

Rukovoditeljica  
Zakonodavno-pravnog sektora

  
Mirjana Kutnjak

Dostaviti:

- naslovu
- sekretarki Zajedničke službe Sekretarijata